

INFO

Vijeća ministara Bosne i Hercegovine / Савјета министара Босне и Херцеговине

Broj 2
Април/Траванј 2010.



Хрватска урчила БиХ преводе правног наслијеђа ЕУ

Предсједница Владе Републике Хрватске Јадранка Косор је 20. марта 2010. године на Брду код Крања урчила предсједавајућем Савјета министара БиХ др Николи Шпирићу преводе правног наслијеђа Европске уније.

Предсједавајући Шпирић је захвалио премијерки Косор и оцијенио да је овај гест примјер праве регионалне сарадње с циљем помоћи земљама региона у процесу интеграција у европске структуре.



По повратку у Сарајево, предсједавајући Шпирић је превод уручио директорци Дирекције за европске интеграције Невенки Савић. Он је изразио очекивање да ће, захваљујући овим преводима, у значајној мјери бити убрзане активности у процесу превођења законодавства ЕУ и усклађивања домаће легислативе.

Именовани челници Дирекције за координацију полицијских тијела у БиХ

ИСПУЊЕНИ УСЛОВИ ЗА ЛИБЕРАЛИЗАЦИЈУ ВИЗА

Савјет министара БиХ именовано је 9. марта 2010. године Химзу Селимовића за директора, а Уроша Пену и Милета Јурића за замјенике директора Дирекције за координацију полицијских тијела у БиХ.

Именовањем челника ове агенције испуњен је и посљедњи услов за либерализацију визног режима за грађане БиХ. Селимовић је тренутно комесар полиције Кантона Сарајево, Пена је директор полиције РС, а Јурић дужносник Граничне полиције БиХ.

-Урадили смо добар посао и мислим да имамо добре вијести за грађане БиХ јер смо испунили и посљедњи услов за либерализацију визног режима-

рекао је предсједавајући Савјета министара БиХ др Никола Шпирић на прес конференцији одржаној након сједнице и додао да је са својим замјеницима, министрима сигурности и финансија Садиком Ахметовићем и Драганом Вранкићем, договорио да сједиште Дирекције за координацију полицијских тијела буде у Сарајеву, а да сједиште раније основане Агенције за превенцију и борбу против корупције буде у Источном Сарајеву. Дирекција за координацију полицијских тијела БиХ требало би да почне са радом у наредних 90 дана. Према ранијим најавама из Европске комисије, БиХ би визну либерализацију могла добити овог љета.

ФОРМИРАНА РАДНА ГРУПА ЗА ПРИПРЕМУ АМАНДМАНА НА УСТАВ БИХ

Савјета министара БиХ именовано је 9. марта 2010. године Радну групу за припрему амандмана на Устав БиХ и измјену Изборног закона БиХ.

Радна група, коју чине министри правде, цивилних послова и одбране, седам посланика и три делегата Парламента БиХ, требало би да припреми уставне амандмане

и измјене Изборног закона којим се проводи пресуда Европског суда за људска права.

Пресуда налаже брисање дискриминаторских одредби из Устава БиХ који кандидовање за Предсједништво БиХ и Дом народа бх. парламента сада омогућавају само припадницима конститутивних народа, а не и кандидатима из категорије осталих.

Европски суд за људска права у Стразбуру је 22. децембра 2009. године објавио коначну пресуду у предмету Дерво Сејдић и Јакоб Финци против Босне и Херцеговине, чиме је она постала коначна и обавезујућа.

Пресудом је установљено постојање дискриминације усљед одредби Устава БиХ и Изборног закона БиХ које онемогућавају „осталима“ да се кандидују за члана Предсједништва БиХ и да буду делегати у Дому народа Парламентарне скупштине БиХ.



Висока представница ЕУ Кетрин Ештон у БиХ

Предсједавајући Савјета министара Босне и Херцеговине др Никола Шпирић примио је 18. фебруара 2010. године у Сарајеву високу делегацију Европске уније, предвођену високом представницом Европске уније за безбједност и спољну политику, баронесом Кетрин Ештон (Catherine Ashton).

Састанку су присуствовали замјеници предсједавајућег Савјета министара БиХ, министар безбједности БиХ Садик Ахметовић и министар финансија и трезора БиХ Драган Вранкић, генерални директор за спољне односе и војно-политичке послове ЕУ Роберт Купер, директор Генералне дирекције за проширење ЕУ Пјер Мирел, високи представник и специјални представник ЕУ у БиХ Валентин Инцко и шеф Делегације ЕУ у БиХ Димитрис Куркулас.

- Била је ово прилика да госпођу Ештон упознам о реформама које проводимо унутар Босне и Херцеговине, о резултатима, али и о изазовима који стоје

пред нашом земљом. Са задовољством сам госпођу Ештон информисао о испуњењу услова из Мапе пута за либерализацију визног режима и изразио очекивање да ће, након треће посјете експерата из Брисела, грађани БиХ напокон бити на бијелој Шенген листи.

- Убјеђен сам да након ових разговора неће бити додатних услова везаних за Мапу пута, изјавио је, између осталог, предсједавајући Шпирић.

- Спремни смо да помогнемо Босни и Херцеговини на њеном путу и достизању њених европских жеља. Долазим са три једноставне и јасне поруке, а то су: ово је једна земља са различитим заједницама; будућност ове земље је у Европској унији; Европска унија је спремна помоћи овој земљи да оствари ту амбицију. Учињено је доста напретка, по питању либерализације визног режима и ми желимо грађанима ове земље све више показати колико је важно да буду дио Европе- истакла је баронеса Ештон.

Предсједавајући Савјета министара разговарао са комесаром Филеом

Предсједавајући Савјета министара БиХ др Никола Шпирић разговарао је 11.03.2010. у Бриселу са комесаром за проширење ЕУ Штефаном Филеом.

Предсједавајући Шпирић и комесар Филе су разговарали о потреби провођења пресуде Суда за људска права у случају „Финци и Сејдић“.



Предсједавајући Шпирић је информисао комесара Филеа да је Савјет министара усвојио Акциони план за провођење пресуде и именовало чланове Радне групе за израду амандмана на Устав БиХ и измјена и допуна Изборног закона БиХ.

Он је Шпирић је нагласио важност укидања виза грађанима БиХ за путовања у европске земље обухваћене Шенгенским споразумом и изразио очекивање да ће, на бази аргумената испуњености услова из Мапе пута, бити убрзана процедура доношења одлуке о безвизном режиму.

Комесар Филе је дао подршку европској перспективи БиХ.

Приступање ЕУ подржава 89,9 одсто грађана БиХ

Савјет министара БиХ усвојио је Информацију о налазима истраживања јавног мнијења „БиХ у процесу европских интеграција 2009. и Упоредни приказ истраживања јавног мнијења 2009./2008./2007.“

Према истраживању које је наручила Дирекција за Европске интеграције, приступање Европској

унији подржава 89,9 одсто грађана БиХ. У Федерацији БиХ подршка износи 94,6 одсто, у РС 82,7, а у Брчко Дистрикту 86,7 одсто.

У европску перспективу, односно да ће БиХ за десетак година бити просперитетна чланица ЕУ, вјерује 70,9 одсто испитаника, од тога 74,9 одсто у ФБиХ, 64,9 у РС и 66,7 одсто

у Дистрикту Брчко.

Када је ријеч о информисаности грађана о процесу европских интеграција, 50,2 одсто испитаника сматра да је информисано, док 77,6 одсто грађана изразило жељу да добије више информација о Европској унији и процесу европских интеграција.

Делегација Савјета министара БиХ у посјети Хрватској

Делегација Савјета министара БиХ коју је предводио предједавајући др. Никола Шпирић, боравила је 16.03. 2010. године у једнодневной службеној посјети Загребу, на позив предједнице Владе Републике Хрватске Јадранке Косор. У делегацији су били и замјеник предједавајућег Савјета министара и министар финансија и трезора Драган Вранкић и министар цивилних послова Средоје Новић.



Предједавајући Шпирић је на састанку са премијерком Косор нагласио да је за БиХ од приоритетног значаја да развија добросусједску, свестрану и узајамно корисну сарадњу на основама равноправности, поштивања суверенитета и територијалног интегритета. Оцјењујући да су билатерални односи на завидном нивоу и да постоји доста простора за развој сарадње у свим областима, предједавајући Шпирић је посебно апострофирао потребу уклањања ванцаринских баријера с циљем успјешније привредне сарадње.

-За БиХ је од приоритетног значаја да развија добросусједску, свестрану и узајамно корисну сарадњу на основама равноправности, поштивања суверенитета и територијалног интегритета- рекао је предједавајући и истакао да је за БиХ веома важно да буде обезбијеђен цивилизован дијалог о свим отвореним питањим и да земља не стоји предуго на једној тачки на путу евроатлантских интеграција.

Усвојен Програм рада за 2010. и Извјештај о раду за 2009. годину

Савјет министара БиХ донио је 18. марта Програм рада за 2010. годину уз прихватање техничких корекција и усвојио Извјештај о раду Савјета министара БиХ за 2009. годину.



Програм рада Савјета министара за 2010. годину фокусиран је на даљњи напредак Босне и Херцеговине у областима европских интеграција, пуноправно чланство у НАТО-савез и даљње активности у вези с либерализацијом визног режима. У том правцу планирана је израда више од 65 закона и 219 подзаконских аката, те око 70 материјала који су у директној вези с процесом приступања Босне и Херцеговине Европској унији. Истовремено је планирано закључивање 228 међународних уговора и споразума, као и разматрање 220 тематских тачака посвећених реформи јавне управе, информационим технологијама, финансијама и економији.

Према Извјештају о раду, Савјет министара БиХ у 2009. години одржао је 42 сједнице на којима су размотрене 1.324 тачке, међу којима су утврђени Амандман на Устав БиХ (у вези са статусом Брчко Дистрикта БиХ) и 66 приједлога закона, те усвојене 24 стратегије и акциона плана.

Савјет министара је у прошлој години донио 255 одлука, утврдио 145 приједлога основа за вођење преговора ради закључивања међународних уговора и споразума и 101 одлуку о ратификацији међународних споразума.

ММФ: Повлачење друге транше трећег стендбај-аранжмана

Савјет министара БиХ донио је 25. марта Одлуку о повлачењу друге транше трећег стендбај-аранжмана с Међународним монетарним фондом, којом је овлаштено Министарство финансија и трезора да изда Промисори ноту у износу од 268.676.017,55 КМ.

Министарство финансија и трезора БиХ извршиће алокацију средстава друге транше стендбај-аранжмана, и то 2/3 од износа биће позајмљено буџету Федерације БиХ, а 1/3 буџету Републике Српске на основу Закона о задуживању, дугу и гаранцијама БиХ.

Уплата осталих транши подлијеже кварталном прегледу ММФ-а и биће одобрена у зависности од тога како БиХ буде испуњавала преузете обавезе из Писма намјере.

Подсјећамо да је Босна и Херцеговина с ММФ-ом закључила стендбај-аранжман вриједан око 1,2 милијарде еура на период од три године, почев од јула 2009. године, када је повучена прва транша у износу од око 400 милиона КМ.

Предједавајући Шпирић са премијером Црне Горе

Предједавајући Савјета министара БиХ др Никола Шпирић примио је 23.02. 2010. године у Сарајеву предједника Владе Републике Црне Горе Мила Ђукановића.

Предједавајући Шпирић је информисао премијера Ђукановића о актуелној политичкој и економској ситуацији у БиХ, као и о успјеху који је остварен у процесу испуњења услова за либерализацију визног режима за грађане Босне и Херцеговине. Саговорници су оцијенили да су билатерални односи веома добри и да нема отворених питања, те да постоји обострана сагласност да Влада Црне Горе и Савјет министара БиХ наставе радити на уговорном регулисању билатералних односа.



Sporazumi s KfW-om za Projekt "Vjetroelektrana Mesihovina"



Sporazum o zajmu i projektu između KfW, Frankfurt na Majni i Bosne i Hercegovine i Federacije BiH i Elektroprivrede Hrvatske zajednice Herceg Bosne d.d. Mostar (EP HZHB) za Projekt „Vjetroelektrana Mesihovina“ i Sporazum o financiranju i projektu između KfW, Frankfurt na Majni i Bosne i Hercegovine i Federacije BiH i Elektroprivrede Hrvatske zajednice Herceg Bosne d.d. Mostar (EP HZHB) za Projekt „Dopunske mjere za Vjetroпарк Mesihovina“, potpisali su u Sarajevu, 23. veljače zamjenik predsjedatelja Vijeća ministara BiH i ministar financija i trezora Dragan Vrankić, prvi potpredsjednik KfW-a za Aziju i Istočnu Europu Uwe Ohls, direktor Ureda KfW-a u BiH Gerald Kuehnemund, federalni dopremijer i ministar financija Vjekoslav Bevanda i generalni direktor EPHZ „Herceg Bosne“ Matan Žarić.

Oba sporazuma proizilaze iz Sporazuma između Vijeća ministara BiH i Vlade Savezne Republike Njemačke o financijskoj suradnji u 2007. godini i 2008. godini. Za Projekt „Vjetroelektrana Mesihovina“, osigurana su ukupna sredstva od 72 milijuna eura od čega 71

milijun eura kreditnih sredstava, te još jedan milijun eura nepovratnih (grant) sredstava, dok će ostatak osigurati EPHZ „Herceg Bosna“. Ukupni troškovi Projekta će iznositi oko 75 milijuna eura.

–Obnovljiva energija, koju smo obvezni proizvoditi je strateški proizvod te je ovo jedan od najboljih načina ulaganja u razvitak Bosne i Hercegovine, kazao je ministar Vrankić. Istaknuo je „da su uvjeti zajma iznimno povoljni, tim prije što se plasiraju u proizvodnju, i izgrađena vjetroelektrana će otplatiti, vrlo brzo, sama sebe.“

Prvi potpredsjednik KfW-a za Aziju i Istočnu Europu Uwe Ohls naglasio je kako „Europa treba zelenu energiju a BiH je može pružiti i to treba iskoristiti. Njemačka vlada promovira obnovljive izvore energije a ovaj, do sada u BiH nerazvijen segment, zasigurno će pridonijeti njenom razvitku“.

Prvu vjetroelektranu u BiH činit će 22 vjetro turbine snage po dva (2) megavata ukupne instalirane snage od 44 megavata. Projekt će provesti JP EP „HZHB“. Rok otplate zajma je 12 godina, uključujući četiri (4) godine grace perioda.

Предсједник Владе Р Словеније Борут Пахор у БиХ

Босна и Херцеговина и Словенија имају изузетно добре односе, и у политичком и у економском смислу, оцијењено је током сусрета предједавајућег Савјета министара БиХ Николе Шпирића са предсједником Владе Републике Словеније Борутот Пахором одржаном 02.03.2010. у Сарајеву.

Предједавајући Шпирић је упознао словеначку делегацију са оним што БиХ чини на реализацији битних спољнополитичких циљева, а то је либерализација визног режима, добијање статуса



МАП-а на путу у НАТО и на који начин се мисли провести пресуда Суда за људска права у Стразбуру у случају „Сејдић-Финци“, те како се БиХ носи са глобалном економском кризом.

–Са разлогом очекујем да неће бити допунских услова, да нећемо бити везани за напредак других земаља које нису испуниле услове, већ да ћемо имати подршку и да ћемо крајем овог мјесеца на конференцији у Словенији имати прилику да дамо информације о напретку БиХ- рекао је Шпирић.

Споразум о кредиту између БиХ и ОПЕК-а

Износ предложеног кредита је шест милиона америчких долара, рок отплате 20 година, уз грејс период од пет година, те каматну стопу од 3,5 одсто годишње.

Савјет министара БиХ је 25. марта утврдио Приједлог основа за закључивање Споразума о кредиту између Босне и Херцеговине и ОПЕК

фонда за међународни развој – Пројекат унапређења услова живота на селу, који ће Министарство финансија и трезора доставити Предсједништву БиХ у даљњу процедуру. За потписника је предложен министар Драган Вранкић. Циљеви Пројекта су успостављање одрживог развоја у руралним заједницама, повећање дохотка и већа могућност запошљавања

на селу. Укупна вриједност овог пројекта износи 25,6 милиона америчких долара, од чега ће ОПЕК фонд издвојити средства у износу од 6.000.000 долара, ИФАД 11,1 милиона, корисници 3,9 милиона, финансијске институције које учествују у кредитирању 2,1 милион, а домаћа контрибуција ентитета за учешће у обавезама за царине и порезе

Састанак Савјета министара БиХ са генералним секретаром НАТО-а и Сјеверноатлантским вијећем

Делегација Савјета министара БиХ, предвођена предједавајућим др Николом Шпирићем, одржала је 23.03.2010. у Сарајеву састанак са генералним секретаром НАТО-а Андерсом Фог Расмусеном и амбасадорима Сјеверноатлантског вијећа НАТО-а.



Делегација НАТО-а допутовала је у посјету БиХ у склопу консулација са званичницима БиХ како би оцијенила напредак у провођењу

реформи, потребних за укључење БиХ у Акциони план за чланство у НАТО (МАП), које је затражило Предсједништво БиХ на основу своје одлуке од 10. јуна 2009. године

Предједавајући Шпирић и министри информисали су званичнике НАТО-а о активностима које предузима Савјет министара из своје надлежности ради испуњавања услова у процесу евроатлантских интеграција.

Предједавајући Савјета министара је нагласио да су власти у БиХ у претходном периоду у потпуности испуниле сва 174 захтјевна услова за либерализацију визног режима.

Бечки економски разговори

Предједавајући Савјета министара БиХ обратио се учесницима скупа у Бечу, који је под његовим покровитељством одржан 11. и 12. марта у оквиру Бечког економског форума.

Предједавајући Савјета министара БиХ др Никола Шпирић поручио је на Бечким економским разговорима да је БиХ трајно определијена за улазак у породицу модерних европских



земаља, за убрзање процеса европских интеграција, као и за провођење реформи неопходних да се њен правни поредак и привредни систем приближе стандардима ЕУ.

-Овај скуп сматрам нашим заједничким пројектом који представља својерестан одјек и потврду порука Бечког економског форума који је одржан у Сарајеву 28. септембра 2009. године. Том приликом смо послали заједничке поруке о позитивној привредној клими и потенцијалима БиХ, као и поруке инвеститорима да је БиХ спремна за даљи развој привреде и да представља сигурно подручје за пласман инвестиција и новца- поручио је предједавајући Шпирић.

БиХ-WB: Потписан Уговор о zajму за potporu malim i srednjim poduzećima



Замјеник предсједатеља Вијећа министара и министар финансија и трезора Dragan Vrankić и водитељ Уреда Svjetske banke (WB) у Bosni i Hercegovini Marco Mantovanelli потписали су 18.02.2010. године у

Sarajevu Уговор о zajму између Bosne i Hercegovine и Svjetske banke за Пројект потпоре малих и средњих подuzeћа у износу од 70 милијуна US долара.

Пројект је припремљен на захтјев власти Bosne i Hercegovine, као једна од мјера за ублажавање ефеката економске кризе.

Циљ овог пројекта унапређења доступности средстава је олакшати малим и средњим подuzeћима приступ финансирању што придоноси расту регионалне економије и извоза. Пројект ће, такођер, помоћи банкарском сектору у БиХ да се боље носи с последицама глобалне економске кризе. Министар Vrankić и водитељ Уреда WB у БиХ Mantovanelli истакнули су овом пригодом како су одржив раст приватног и банкарског сектора од кључног значаја за развитак Bosne i Hercegovine.

Потписан уговор БиХ-EBRD

Замјеник предсједатеља Вијећа министара и министар финансија и трезора БиХ Dragan Vrankić и први потпредсједник Европске банке за обнову и развитак (EBRD) Varel Freeman у Сарајеву су 27.01.2010. године потписали Уговор о zajму између БиХ и EBRD-а за Пројект плинификације Средњехосанског кантона.



Пројектни уговор између BH-Gasa и EBRD-а су закључили директор BH-Gasa Almir Bečarević и директор за природне ресурсе у EBRD-у Kevin Bortz.

Зajам од 17 милијуна еура, казао је министар Vrankić, представља прву инвестицију ове банке у сектору природних ресурса у БиХ, а намијенjen је за изградњу 40 km високотлачног цјевовода за транспорт природног глина од Zenice, преко Busovače, Viteza и Novog Travnika до Travnika. Dodao је како оvakве инвестиције представљају кључни предувјет развоја gospodarstva у БиХ а имају и додатну корист у заштити околиша, јер ће омогућити алтернативу кориштењу конвенционалних енергената.

- Nadam се да ћемо подржати и друге пројекте на изградњи мреже плinovода у БиХ и да ће ово бити само почетак кориштења средстава из приватних извора за инфраструктурне пројекте, нагласио је потпредсједник EBRD-а Freeman и dodao да се успјешна сарадња БиХ и EBRD-а наставља.

Речено је да је EBRD, откад djeluje у БиХ, uložio више од милијарду еура у разне bh gospodarске секторе у земљи и мобилизирао додатне инвестиције у вриједности 1,6 милијарди еура. Trajanje zajma је 15 година, укључујући grace period од три године, а отплата је у 24 једнаке полугодишње rate tijekom периода од 12 година. Iznos zajma је у потпуности аlociran на FBiH.

Osigurana sredstva za Agenciju za osiguranje depozita



Zamjenik predsjedatelja Vijeća ministara i ministar financija i trezora BiH Dragan Vrankić i prvi potpredsjednik Europske banke za obnovu i razvitak (EBRD) Varel Freeman u Sarajevu su 27. 1. 2010. godine potpisali Ugovor o jamstvu za kreditnu liniju Agenciji za osiguranje depozita BiH, kojim država jamči da će zajam koji je predmet ugovora o zajmu otplatiti u potpunosti ili djelimično ukoliko to ne uradi zajmoprimac, odnosno Agencija za osiguranje depozita BiH.

Ugovor o zajmu između Agencije za osiguranje depozita i EBRD-a potpisali su direktor Agencije Josip Nevjestić i direktor za Zapadni Balkan u EBRD-u Claudio Viezzoli. Ministar Vrankić je istaknuo da će kreditna linija od 50 milijuna eura omogućiti Agenciji za osiguranje depozita BiH da poveća iznos osiguranih depozita građana sa sadašnjih 20.000 na 50.000 KM, i time ostvari ambijent kakav imaju susjedne zemlje. Prema njegovim riječima, Ugovorom se osigurava da EBRD financira bh. realni sektor, a država se pojavljuje kao jamac za kredite koji će se plasirati u bh. realni sektor. Kako je pojasnio Freeman, kreditna linija Agenciji za osiguranje depozita predstavlja bitan odgovor na krizu koja je zadesila cijeli svijet, a ovaj ugovor će pomoći da se bankarski sustav unaprijedi i ojača, što će povećati razinu povjerenja građana u finansijski sektor. Podršku kreditnoj liniji pružila je i Europska unija donatorskim sredstvima, u prvoj fazi u iznosu od jedan milijun eura kroz IPA fondove za 2009., a najavljena je i dodatna podrška u istom iznosu iz IPA fondova za 2010. godinu. Rok otplate zajma je 15 godina i teče polugodišnje, a počinje osme godine nakon potpisivanja Ugovora o zajmu.

Sporazum između BiH i Francuske o saradnji u oblasti sigurnosti

Zamjenik predsjedavajućeg Vijeća ministara i ministar sigurnosti BiH Sadik Ahmetović, susreo se 29. marta u Parizu s ministrom unutrašnjih poslova, prekomorskih departmana i teritorijalnih zajednica Republike Francuske Briceom Hortefeuxom.

Glavna tema razgovora bila je intenziviranje saradnje između dviju zemalja u domenu sigurnosti, s posebnim akcentom na borbu protiv terorizma, organiziranog kriminala i trgovine ljudima. Tom prilikom ministar sigurnosti BiH Sadik Ahmetović i ministar unutrašnjih poslova Francuske Brice Hortefeux potpisali su Sporazum o saradnji u oblasti sigurnosti između BiH i Republike Francuske. Otvorena je mogućnost



i za razmjenu zvaničnika dvaju ministarstava i policijskih službenika dviju zemalja. Ministar unutrašnjih poslova Republike Francuske ponovio je punu podršku svoje države što skorijoj liberalizaciji viznog režima zemalja Šengena za BiH. Inače, Francuska je još u januaru, nakon susreta ministra Ahmetovića s ministrom za

pitanja imigracije Ericom Bessonom, izdala i zvanično saopćenje u kojem daje punu podršku brzom liberalizaciji viza za BiH.

Ova posjeta zamjenika predsjedavajućeg Vijeća ministara i ministra sigurnosti BiH Sadika Ahmetovića Parizu je njegova druga posjeta Francuskoj u roku od samo dva mjeseca, što govori o veoma dobrim odnosima između dviju zemalja i podršci Ministarstvu sigurnosti BiH. Ministar Ahmetović je boravio u Parizu i u januaru ove godine, kada se susreo s ministrom za pitanja imigracija Ericom Bessonom.

U februaru „krimolovci“ pozivani 744 puta

Tokom februara 2010. godine policijski službenici Državne agencije za istrage i zaštitu (SIPA) su registrirali 744 poziva na telefonskoj liniji „krimolovci“, od kojih je 150 ocijenjeno neozbiljnim.



U navedenom periodu od građana su zaprimljene 74 korisne informacije o počinjenim ili planiranim krivičnim djelima, te o njihovim počiniocima, na osnovu kojih je sačinjeno isto toliko izvještaja. Najveći broj informacija se odnosio na krivična djela korupcije i krivična djela protiv službene i druge odgovorne dužnosti (13), neovlašteno držanje oružja ili eksplozivnih materija (12), te neovlaštena proizvodnja i stavljanje u promet opojnih droga (9). Od ukupnog broja korisnih informacija 66 ih je zajedno sa izvještajima prosljeđeno na daljnje postupanje nadležnim policijskim organima u BiH, dok se osam informacija odnosilo na krivična djela iz nadležnosti SIPA-e. Od nadležnih policijskih organa u izvještajnom periodu pristiglo je 116 povratnih informacija na osnovu kojih je utvrđeno da su nadležnim tužilaštvima dostavljena 3 izvještaja o počinjenom krivičnom djelu i izvršiocima, dok su 24 izvještaja dostavljena na ocjenu.

Policijski službenici SIPA-e su građanima koji su pozivali telefonski broj „krimolovci“ – 080 020 505, dali 520 savjeta.



Eksperti Evropske unije u posjeti SIPA-i

Sjedište Državne agencije za istrage i zaštitu (SIPA) 8. februara su posjetili eksperti Evropske unije zaduženi za pitanja iz bloka III Mape puta, kako bi se upoznali sa nadopunom informacija o administrativnoj strukturi, odnosno metodologijom za otkrivanje i istragu ilegalnih imigracija.

Načelnik Kriminalističko-istražnog odjela SIPA-e Anđelko Hrgić sa saradnicima je eksperte EU, u sat i pol dugom razgovoru, upoznao i sa svakodnevnom saradnjom između relevantnih organa iz navedene oblasti, te raspodjelom njihove nadležnosti.

Delegacija EU, sastavljena od pet eksperata iz zemalja članica EU, predstavnika Evropske komisije iz Bruxellesa i EU iz Sarajeva, u Bosnu i Hercegovinu je doputovala danas kako bi izvršila uvid u ispunjavanje uslova iz Mape puta za liberalizaciju viznog režima.

Ministarska konferencija o graničnoj sigurnosti u jugoistočnoj Evropi

„Bosna i Hercegovina je ostvarila značajan napredak u oblasti granične sigurnosti i sistema upravljanja granicom, koji će, nadamo se, biti prepoznat i u izvještaju Evropske komisije za ocjenu ispunjenosti uslova iz Mape puta za liberalizaciju viznog režima BiH“, izjavio je ministar sigurnosti BiH Sadik Ahmetović.

Obraćajući se učesnicima Sedme ministarske konferencije o graničnoj sigurnosti u jugoistočnoj Evropi, koja je u okviru Programa Ženevskog centra za demokratsku kontrolu oružanih snaga (DCAF) održana 8. marta u Tirani, ministar Ahmetović je podsjetio da su najvažniji ciljevi BiH u ovoj oblasti: sveobuhvatno i potpuno reguliranje pitanja koja se odnose na graničnu liniju i granične prijelaze sa susjednim zemljama, primjena Strategije i Akcionog plana u oblasti integritetnog upravljanja granicom i daljnje jačanje regionalne saradnje. Pri tome je navedeno da je BiH s Cnom Gorom potpisala Sporazum o graničnoj liniji i da je u toku parafiranje Sporazuma o određivanju graničnih prijelaza i prijelaza za malogranični saobraćaj, dok se s Republikom



Hrvatskom vode razgovori u vezi s revidiranjem postojećih sporazuma iz ove oblasti.

„Granična sigurnost je kontinuiran proces u kojem zajednički napor i prekogranična saradnja, uz pomoć koju nam pruža DCAF, predstavljaju našu najveću snagu u borbi pro-

tiv svih oblika transnacionalnog ograničanog kriminala“, naglasio je ministar Ahmetović i pozvao kolege iz susjednih zemalja da nastavite rješavati otvorena pitanja iz ove oblasti na obostrano zadovoljstvo i u duhu dosadašnje, pozitivne saradnje.

Pripadnici Jedinice za specijalnu podršku SIPA-e dobili certifikate za trenere điu-đice

Dvadeset pripadnika Jedinice za specijalnu podršku SIPA-e je danas, 29.01.2009. godine, u prostorijama Jedinice u Lukavici, dobilo certifikat za trenere iz policijske samoodbrane. Pripadnici Jedinice prošli su dvosredmičnu obuku iz điu-đice, izvedenu uz pomoć njemačke savezne pokrajine Hessen i EUPM-a. Obuku je vodio svjetski šampion u điu-đici i trener za policijske jedinice Frank Witte.



„Za mene je čast što sam bio u Jedinici za specijalnu podršku SIPA-e, čiji su pripadnici visoko motivirani, otvorenog uma i već dobro obučeni. Bilo je teško boriti se s njima“, rekao je Witte tokom dodjele.



Zagreb: Ministarska konferencija “Balkanska ruta – jučer, danas, sutra”

Ministar sigurnosti Bosne i Hercegovine Sadik Ahmetović predvodio je delegaciju BiH na četvrtoj konferenciji ministara unutrašnjih poslova zemalja regije “Balkanska ruta – jučer, danas, sutra”, koja je od 11. do 12.2.2010. godine održana u Zagrebu.

Predstavnici ministarstava unutrašnjih poslova i sigurnosti Bosne i Hercegovine, Crne Gore, Hrvatske, Makedonije, Slovenije i Srbije razgovarali su o nastavku unapređenja dobrosusjedskih odnosa u oblasti sigurnosti i potrebi jačanja saradnje s ciljem zajedničkog djelovanja protiv svih oblika međunarodnog organiziranog kriminala na području jugoistočne Evrope i šire.

Posebna tema razgovora bila je tzv. “balkanska ruta” i njeni uzroci u aktuelnom trenutku, pri čemu je prepoznata opasnost koja proizlazi iz nedopuštenog korištenja i trgovine opojnim drogama i psihotropnim tvarima. Učesnici konferencije razmotrili su i moguće

odgovore na ove sigurnosne rizike kroz razne oblike jačanja saradnje policijskih snaga zemalja regije.

Tokom konferencije potpisana je Zajednička izjava predstavnika ministarstava čiji je cilj jačanje saradnje u borbi protiv svih oblika prekograničnog kriminala, produbljivanje policijske saradnje, zajedničkih akcija, presijecanje puteva kriminala na ovim područjima, te uspostavljanje i jačanje prakse identifikacije i oduzimanja nezakonite imovine stečene vršenjem krivičnih djela nedopuštene trgovine opojnim drogama i psihotropnim tvarima. Tokom konferencije ministar Ahmetović je imao odvojene susrete s ministrom unutrašnjih poslova Republike Hrvatske Tomislavom Karamarkom, te Republike Srbije Ivicom Dačićem, na kojima je dogovorena daljnja saradnja u oblasti sigurnosti, ne samo zemalja regije već i u interesu zajedničke evropske sigurnosti.

Projekat „Sveobuhvatan pristup rješavanju problema dječije pornografije u BiH“



Ministarstvo sigurnosti Bosne i Hercegovine - Odsjek za borbu protiv trgovine ljudima i Udruženje „Međunarodni forum solidarnosti – EMMAUS“, u saradnji s donatorima OAK fondacijom i Save the Children Norway – Regionalnim uredom za jugoistočnu Evropu, promovirali su 23. marta u Sarajevu aktivnosti na Projektu „Sveobuhvatan pristup rješavanju problema dječije pornografije u Bosni i Hercegovini“.

Promocija je organizirana u namjeri da se javnost upozna o dosadašnjim aktivnostima preduzetim na prevenciji sek-

sualne zloupotrebe i iskorištavanja djece u BiH putem interneta, te je ovom prilikom predstavljen „Akcioni plan za poboljšanje sistema za zaštitu od dječije pornografije i drugih oblika seksualnog iskorištavanja i zloupotrebe djece putem informacionih i komunikacionih tehnologija u Bosni i Hercegovini 2010. – 2012.“, kao i aktivnosti koje realizira Udruženje „Međunarodni forum solidarnosti - EMMAUS“. Emitirani su i edukativni TV-spotovi za djecu i roditelje, te predstavljena internet stranica www.sigurnodijete.ba

Specijalni ministarski sastanak Pokreta nesvrstanih zemalja

Ministar vanjskih poslova Bosne i Hercegovine Sven Alkalaj predvodio bh. delegaciju na Specijalnom ministarskom sastanku Pokreta nesvrstanih zemalja o međuvjerskom dijalogu i saradnji za mir i razvoj, koji se 17. i 18. marta 2010. godine održan u glavnom gradu Filipina, Manili.



Sastanku je prisustvovalo oko 80 delegacija zemalja članica Pokreta nesvrstanih, zemalja posmatrača i međunarodnih organizacija. Bosna i Hercegovina na ovom sastanku učestvovala je u svojstvu zemlje posmatrača.

Trilateralni sastanak ministara vanjskih poslova BiH, Hrvatske i Turske

Ministar vanjskih poslova Bosne i Hercegovine Sven Alkalaj sastao se 14. januara 2010. godine u Zagrebu sa ministrom vanjskih poslova i evropskih integracija Republike Hrvatske Gordanom Jandrokovićem i ministrom vanjskih poslova Republike Turske Ahmetom Davutoğluom.

Ministar Alkalaj je ocijenio trilateralni sastanak potvrdom dobre saradnje triju zemalja. Istakao je da je zajednički interes unapređenje međusobne saradnje, te osiguranje stabilnosti i prosperiteta u regionu. Posebno je naglasio zajednički cilj zemalja jugoistočne Evrope u kontekstu evroatlantskih integracija. Istakao je da postoji znatan prostor za unapređenje privredne saradnje jer je ekonomski prosperitet važan preduvjet političke i socijalne stabilnosti.

Ministar Jandroković je izvijestio prisutne da je Vlada Hrvatske odlučila ustupiti prevode evropskog zakonodavstva bosanskohercegovačkoj strani kako bi BiH ubrzala proces približavanja EU. Najavio je i skorašnji sastanak hrvatskih stručnjaka koji se bave pitanjima EU sa stručnjacima iz BiH na kojem će hrvatska strana prenijeti iskustva iz procesa približavanja Hrvatske EU.



Također je istaknuta podrška BiH na putu ka punopravnom članstvu u NATO-u. Ministar Davutoğlu je podvukao riješenost njegove zemlje da pruži doprinos razvoju stabilnosti cijelog regiona, unapređenju međusobne

saradnje, naglasivši da je u tom kontekstu stabilnost BiH od presudne važnosti za stabilnost regiona. Izrazio je snažnu podršku Republike Turske u nastojanjima BiH da ostvari članstvo u NATO-u i EU.

Sastanak ministara vanjskih poslova BiH, Srbije i Turske - Republika Srbija dala agreman Boriši Arnautu

U Ankari je 9. februara 2010. godine održan 5. trilateralni sastanak ministra vanjskih poslova Bosne i Hercegovine Svena Alkalaja, ministra vanjskih poslova Republike Turske Ahmeta Davutoğlua i ministra vanjskih poslova Republike Srbije Vuka Jeremića. Domaćin sastanka bio je ministar vanjskih poslova Republike Turske Ahmet Davutoğlu.

Na sastanku se razgovaralo o modalitetima saradnje triju država s ciljem postizanja mirnog, sigurnog i prosperitetnog Balkana. Poseban naglasak stavljen je na unapređenje odnosa između BiH i Srbije, te modalitete rješavanja otvorenih pitanja dviju zemalja. U tom kontekstu, tri ministra su naglasila da se ovaj format sastanaka pokazao kao najučinkovitiji do sada kada je u pitanju razmjena mišljenja o modalitetima rješavanja otvorenih pitanja, posebno između BiH i Srbije, te o daljnjem unapređenju odnosa i saradnje.



Ministar Alkalaj je istaknuo da je trajni prioritet vanjske politike BiH unapređenje odnosa i saradnje BiH sa susjednim državama, te da su za BiH odnosi i saradnja sa Srbijom veoma važni. Ministar Jeremić je također naglasio važnost za Republiku Srbiju odnosa i saradnje sa BiH. Ponovljena je puna podrška teritorijalnom integritetu i suverenitetu Bosne i Herce-

govine. Razgovarano je i o saradnji na polju daljnjeg napretka triju država prema evropskim integracijama i postizanju zajedničkog cilja - punopravno članstvo u EU. Naglašeno je da je budućnost Balkana u EU. Ministar Alkalaj je istaknuo da je, između ostalog, jedan od rezultata razgovora i saradnje u trilateralnom formatu i rješavanje pitanja imenovanja ambasadora BiH u Republici Srbiji koje je prisutno duži vremenski period. Ministar vanjskih poslova Republike Srbije Vuk Jeremić obavijestio je ministra Alkalaja da je Republika Srbija zvanično dala agreman Boriši Arnautu, kojeg je Predsjedništvo Bosne i Hercegovine imenovalo za izvanrednog i opunomoćenog ambasadora BiH u Republici Srbiji. Stupanje na dužnost Arnauta očekuje se u skorije vrijeme. Ministri su izrazili odlučnost da nastave redovne trilateralne sastanke u ovom formatu, s ciljem daljnjeg unapređenja odnosa i saradnje triju država.

Ministar Alkalaj razgovarao s predstavnicima Kuvajtskog fonda za arapski ekonomski razvoj

Ministar vanjskih poslova Bosne i Hercegovine Sven Alkalaj tokom zvanične posjete Državi Kuvajt sastao se 20. januara s predstavnicima Kuvajtskog fonda za arapski ekonomski razvoj koji finansira putnu infrastrukturu i druge projekte širom svijeta, naročito u prijateljskim zemljama.

Putem ove državne finansijske institucije Kuvajt će plasirati odobreni beskamatni kredit BiH u iznosu od 30 miliona eura koji će biti utrošeni za izgradnju dijela Koridora Vc kroz BiH. Direktor Fonda Hisham Al-Waqayan na početku razgovora izrazio je dobrodošlicu ministru Alkalaju i zadovoljstvo činjenicom da njegova zemlja ulaže u infrastrukturu prijateljske BiH, te najavio daljnje projekte na tom planu. Ministar Alkalaj je izrazio zahvalnost Kuvajtu i Kuvajtskom fondu za arapski ekonomski razvoj na razumijevanju, sveukupnoj pomoći i podršci BiH, kao i na investicijama, dodavši da je Kuvajt zemlja koja je prva investirala u poslijeratnu BiH. Tokom dugog i konstruktivnog razgovora ministar Alkalaj je direktoru Fonda i njegovim saradnicima predstavio mogućnosti investiranja u privredu



BiH, naročito na planu izgradnje putne mreže, te naglasio da postoje mogućnosti i prostor za investicije i u drugim privrednim sektorima. Pri tome je kao veoma bitan istaknuo sektor energetike, informirajući sagovornike da je

BiH jedan od značajnijih izvoznika električne energije u Evropi, te da ima izuzetne potencijale kada je u pitanju proizvodnja tog vitalnog faktora ekonomskog razvoja, posebno proizvodnje obnovljive i čiste energije.

BOSNA I HERCEGOVINA DOMAĆIN KONFERENCIJE „INTERKULTURNI DIJALOG I SIGURNOST“

Bosna i Hercegovina i njen glavni grad Sarajevo 28. i 29. aprila ove godine ugostit će brojne učesnike međunarodne konferencije „Interkulturni dijalog i sigurnost“, koju organizira Ministarstvo sigurnosti BiH u saradnji sa Saveznim ministarstvom unutrašnjih poslova Republike Austrije i

Razvojnim programom Ujedinjenih nacija u BiH (UNDP).

Konferencija je posvećena unapređenju regionalne sigurnosti i interkulturnog dijaloga u zemljama regije, a njeni učesnici bit će ministri unutrašnjih poslova zemalja regije i EU, kao i vjerski velikodostojnici, pred-

stavnici akademske zajednice, diplomatskog kora i međunarodnih organizacija.

Konferencija „Interkulturni dijalog i sigurnost“ bit će prilika da Sarajevo i Bosna i Hercegovina u cjelini pokažu svijetu sve bogatstvo života u raznolikosti i postanu centar interkulturnog dijaloga.

Ministar vanjskih poslova AR Egipat Ahmed Aboul Gheit u BiH

Ministar vanjskih poslova Bosne i Hercegovine Sven Alkalaj i ministar vanjskih poslova Arapske Republike Egipat Ahmed Aboul Gheit predvodili su delegacije svojih ministarstava na sastanku, održanom 16. februara 2010. godine u Sarajevu.

Ministar Alkalaj izrazio je zadovoljstvo posjetom egipatskog šefa diplomatije Bosni i Hercegovini, istaknuvši da su politički odnosi BiH i Egipta odlični, što potvrđuju i česte razmjene posjeta na najvišem nivou. Naglasio je potrebu za unapređenjem ekonomske saradnje između dviju zemalja, posebno u sektorima gdje za to postoji potencijal. Sagovornici su se dogovorili o zajedničkom privrednom nastupu BiH i Egipta u zemljama afričkog kontinenta. Zajednički nastup bi, kako su ocijenili, omogućio Bosni i Hercegovini da ponovo zauzme važno privredno mjesto koje je nekada imala na tom tržištu. Ministar Gheit obećao je da će egipatske biznismene ohrabrivati da plasiraju robu i investicije na bh. tržište te pozvao ministra Alkalaja da ponovo posjeti Egipat.



Razgovori delegacija ministarstava odbrane BiH i SAD-a



Delegacije ministarstava odbrane BiH i SAD-a razgovarale su 29.1.2010. godine u Sarajevu o aspektima bilateralnih odnosa dviju zemalja u oblasti odbrane. Delegaciju MOBiH predvodio je ministar Selmo Cikotić, a Ministarstva odbrane SAD-a zamjenik pomoćnika državnog sekretara za odbranu SAD-a Joseph McMillan.

Glavne teme razgovora bile su status Pregleda odbrane i prioriteti odbrambenih reformi, naponi NATO-a u odbrambenim reformama u BiH, saradnja i projekti s Američkom komandom za Evropu i Nacionalnom gardom Marylanda, te aplikacija BiH za MAP.

Razgovorima su prisustvovala i delegacije Američke komande za Evropu (US EUCOM) i Nacionalne garde Marylanda, komandant NATO štaba u Sarajevu brigadni general John Bullard i predstavnici Ambasade SAD-a u BiH.

-Sjedinjene Američke Države su

opredijeljenje za nastavak saradnje s BiH, a pružanje podrške BiH mirovnim misijama dokaz je da ova zemlja može mnogo doprinijeti međunarodnom miru i stabilnosti- istaknuo je zamjenik pomoćnika državnog sekretara za odbranu Joseph McMillan. Zamjenik pomoćnika državnog sekretara za odbranu SAD-a Joseph McMillan kazao je da SAD ostaju opredijeljene da rade na unapređenju partnerstva s BiH.

-Zahvalili smo ministru Cikotiću i bh. liderima za njihovu uspješnu podršku međunarodnim mirovnim misijama, što je dokaz da BiH može doprinijeti međunarodnom miru i stabilnosti. Razgovarali smo i o nastavku američke podrške razvoju i modernizaciji OSBiH- rekao je McMillan. SAD su obećale i pomoć u rješavanju pitanja viška fosfornog i kasetnog naoružanja, a koje OS-BiH još uvijek imaju u svojim skladištima, te u pitanjima nastavka reforme odbrane s ciljem

priključivanja NATO-u.


Ministar Cikotić istaknuo je da su razgovori bili veoma uspješni, ali da oni ne predstavljaju ništa senzacionalno novo.

- Ovi razgovori potvrđuju prisustvo i riješenost SAD-a da održe pozitivne pomake BiH i u završetku aktivnosti koje se odnose na izgradnju funkcionalnog odbrambenog sastava, ali i za aktivnosti u vezi s članstvom u NATO-u te davanju pomoći u donošenju odluke i razmještanju naše jedinice u okvir ISAF-a u Afganistanu- kazao je ministar Cikotić. Dodao da je posjeta američke delegacije potvrda vezanosti SAD-a i njihove odlučnosti da i dalje podržavaju odbrambenu reformu i sve napore odbrambenih struktura i BiH u cjelini, u smislu progresa koji se u okviru odbrambenih struktura odvija unutar BiH i na njenom putu prema punopravnom članstvu u NATO-u.

Povjerenički fond za vojnike koji se otpuštaju zbog starosne dobi

Zamjenica ministra obrane BiH Marina Pendeš susrela se 25.03.2010. godine u Bruxellesu sa zvaničnicima NATO stožera i predstavnicima jednog broja NATO i PFP zemalja, sa kojima je razgovarala o mogućnostima uspostavljanja novog NATO povjereničkog fonda koji bi služio za pomoć vojnicima koji se otpuštaju u narednom periodu zbog ograničenja starosne dobi.

Ovaj sastanak je predstavljao nastavak šire i kontinuirane aktivnosti zvaničnika BiH i pripadnika Misije BiH pri NATO, nakon pisma koje je ministar obrane BiH dr. Selmo Cikotić uputio Generalnom tajniku NATO



prošle godine sa molbom da se pomogne BiH u procesu otpusta personala u OS BiH. Asistencija se traži za ukupno 3300 osoba, koji će napustiti Oružane snage BiH u naredne dvije godine. Zamjenica ministra obrane Marina Pendeš je naglasila čvrstu opredijeljenost za nastavak puta BiH prema NATO i implementiranju zakonske odredbe prema kojoj je starosna dob vojnika za službu u Oružanim snagama BiH 35 godina. Također, istaknuta je namjera da se otpuštenim vojnicima pruži pomoć u skladu sa mogućnostima Ministarstva obrane Bosne i Hercegovine i u suradnji sa drugim institucijama na entitetskim i općinskim razinama. U tom pravcu se već provode određene aktivnosti, a na raspolaganju su i određena, za sada, skromna finansijska sredstva.

Proces planiranja i revizije (PARP) kao instrumenti saradnje s NATO savezom

Bosna i Hercegovina je u okviru Prezentacijskog dokumenta BiH (PD-BiH) preuzela obavezu razvijanja različitih mehanizama interaktivne saradnje s NATO-om, a jedan od njih je i Proces planiranja i revizije (PARP). Ovo je drugi dvogodišnji ciklus PARP-a u kojem učestvuje BiH, a koji je započeo slanjem odgovora na PARP upitnik.

Inače, PARP je NATO program usmjeren ka promoviranju transparentnosti u planiranju državne odbrane i boljoj pripremi snaga partnera za saradnju sa snagama Saveza. On teži podsticanju razvoja interoperabilnosti između snaga partnera i saveznika u punom spektru PFP operacija, te obuke i vježbi koji se na to odnose.

U okviru procesa PARP-a NATO tim iz Brisela boravio je u BiH u periodu od 16. do 17. februara 2010. godine i na ovim radnim sastancima se diskutiralo o Partnerskim ciljevima BiH. Partnerski ciljevi za BiH razvijeni su na osnovu PARP ministarskih smjernica zemalja članica NATO-a, PARP procjene BiH i Partnerskih ciljeva 2008.

Ministarstvo odbrane BiH, kao vodeće ministarstvo za PARP, u suradnji s NATO koordinacionim timom Vijeća ministara BiH, Ministarstvom sigurnosti i Ministarstvom vanjskih poslova BiH, u navedenom periodu su usaglasili sadržaj teksta Partnerskih ciljeva i ažurirali tekst PARP procjene BiH.

Predstavnici NATO tima iz Brisela naglasili su da je napravljen vidan iskorak u pogledu implementacije partnerskih ciljeva u odnosu na posljednji sastanak održan u 2009. godini.

Prijem mladih vojnika u OSBiH – podmlađivanje OSBiH

Ministarstvo odbrane i Oružane snage BiH u 2010. godini provode aktivnosti na izboru i prijemu vojnika u Oružane snage BiH, na osnovu Javnog oglasa, objavljenog u julu 2009. godine.

Četvrta generacija vojnika u OSBiH primljena je 21. 1. 2010. godine a radi se o prvoj grupi kandidata od 297 vojnika, među kojima je 30 žena, koji su potpisali ugovore o prijemu u profesionalnu vojnu službu i koji su raspoređeni u operativne jedinice OSBiH u kojima će nastaviti daljnje usavršavanje.

Do kraja 2010. godine planirano je da obuku završi treća i četvrta grupa odabranih kandidata, s tim da će treća grupa (oko 300 kandidata) potpisati ugovore o prijemu u

profesionalnu vojnu službu u 2010. godini, a četvrta grupa kandidata u prvom kvartalu 2011. godine. To znači da će u 2010. godini u OSBiH biti primljeno oko 900 mladih vojnika, a u prvom kvartalu 2011. godine još oko 300.

Do sada je obuku uspješno završilo 1109 kandidata, od kojih je 68 žena, i oni se danas nalaze u sastavu operativnih jedinica Oružanih snaga BiH.

Lica koja se primaju u vojnu službu primaju se na osnovu Zakona o službi u Oružanim snagama Bosne i Hercegovine. Svi oni moraju ispunjavati opće uslove, a između ostalog da nisu mlađi od 18 godina ni stariji od 27 godina u vrijeme prijema.



Delegacija Ministarstva odbrane i Oružanih snaga BiH u Briselu



Delegacija Ministarstva odbrane i Oružanih snaga BiH, predvođena zamjenikom ministra za politiku i planove Živkom Marjancem i zamjenikom načelnika Zajedničkog štaba OSBiH za operacije generalmajorom Rizvom Plehom, boravila je 22. marta 2010. godine u Briselu radi predstavljanja BiH na sastanku Političko-vojnog komiteta NATO-a za Partnerstvo za mir.

Tokom sastanka delegacija je odgovarala na pitanja predstavnika 28 zemalja članica NATO-a u vezi s novim setom partnerskih ciljeva za Bosnu i Hercegovinu koji za cilj

imaju unapređenje interoperabilnosti i kompatibilnosti OSBiH s NATO-om. Sastanak kojem su, pored spomenutih predstavnika 28 zemalja članica NATO-a, prisustvovali i predstavnici drugih zainteresiranih partnera, delegacija BiH je iskoristila i za prezentaciju aktivnosti koje su institucije BiH preduzele radi implementacije presude Evropskog suda za ljudska prava u slučaju Sejdić i Finci, nastavak i intenziviranje procesa rješavanja viškova naoružanja, municije i minsko-eksplozivnih sredstava OSBiH i proces upućivanja pripadnika i jedinica OSBiH u misiju Međunarodne sigurnosne pomoći

(ISAF) u Afganistanu. Očekivani rezultat sastanka je prihvatanje novog seta partnerskih ciljeva za Bosnu i Hercegovinu, što je bitan dio Procesa planiranja i pregleda (PARP) i predstavlja novi korak BiH ka punopravnom članstvu u NATO-u. Nakon neprihvatanja aplikacije Bosne i Hercegovine za članstvo u Akcionom planu za članstvo u NATO-u (MAP) u decembru 2009. godine procjenjuje se da će neformalni sastanak ministara vanjskih poslova zemalja članica NATO-a u Talinu (Estonija) 22. i 23. aprila ove godine biti prilika za ponovno razmatranje aplikacije Bosne i Hercegovine za prijem u MAP.

SPORAZUM BiH I HRVATSKE O IZVRŠENJU PRESUDA

Ministri pravde BiH i Hrvatske Bariša Čolak i Ivan Šimonović potpisali su 7. veljače u Sarajevu izmjene Sporazuma o međusobnom izvršenju sudskih odluka u kaznenim stvarima, kojima je propisano da pravomoćno osuđeni državljani obiju država izdržavaju kaznu bez obzira na to nalaze li se u državi gdje im je kazna izrečena ili u državi u koju su pobjegli od pravde na osnovi dvojnoga državljanstva.

„Kako bi nad osobom bila izvršena kazna u drugoj državi, do sada je bio potreban pristanak te osobe. Današnjom malom izmjenom sporazuma to smo izbrisali i sada je obveza te osobe da izdržava kaznu bez obzira nalazi li se u državi presuđenja ili je otišla u drugu državu i tamo boravi temeljem državljanstva te države ili temeljem stalnog prebivališta. Nužno je, naravno, provesti

postupak priznavanja sudske odluke i tu nismo ništa mijenjali. To će ići ustaljenom procedurom. Nadležni sud iz države u kojoj je presuda donesena dostavljat će te presude putem nadležnog ministarstava pravde ili pravosuđa druge države i obratno. Zatim će ministarstvo prosljediti ove presude nadležnim sudovima na izvršenje. Sudovi će priznavati te presude i na temelju toga izvršavati ih kao svoje presude. Mi pored ovoga pripremamo još jedan sporazum s Hrvatskom, a to su izmjene i dopune Sporazuma o pravnoj pomoći u građanskim i kaznenim stvarima i nadam se da ćemo i to vrlo brzo usuglasiti“, kazao je nakon potpisivanja ovog sporazuma ministar Čolak.

„Slažem se s ministrom Čolakom da i male izmjene mogu biti jako važne. Ono što smo mi dobili potpisivanjem ovog dodatka sporazumu je da smo stali

u kraj nekažnjivosti gdje se zloupotrebljavalo državljanstvo naših dviju država kako bi se izbjeglo pravdi. Mi dvostruka državljanstva trebamo i ona su korisna brojnim našim državljanima, ali ne smiju biti kompromitirana ovakvim slučajevima zloupotrebe. Ovaj sporazum će se odnositi doista na sve pravomoćno osuđene koji više neće moći birati da li zatvor, da ili ne već mogu birati Lepoglava ili Zenica. Naravno, bilo je dosta pitanja koja je trebalo dodatno usuglasiti. Drago mi je što smo s našim izaslanstvima usuglasili jedan zapisnik koji će olakšati interpretaciju svih složenih pojmova koji se nalaze u sporazumu. Intencija je ista, kao što je i namjera i svih europskih konvencija koje reguliraju ovo područje, da iznimaka bude što manje i da se iznimke tumače što restriktivnije“, istaknuo je ministar Šimonović.

Ugovori između BiH i Srbije u području pružanja pravne pomoći

Ministri pravde Bosne i Hercegovine i Republike Srbije Bariša Čolak i Snežana Malović potpisali su 26. veljače 2010. godine u Beogradu Ugovor o izmjenama i dopunama Ugovora o izvršenju sudskih odluka u kaznenim stvarima i Ugovor o pravnoj pomoći u građanskim i kaznenim stvarima.

Izmjenama i dopunama Ugovora o međunarodnoj pravnoj pomoći u građanskim i kaznenim stvarima unaprjeđuje se ukupna međunarodna pravna pomoć između dviju država. Izmjenama je, između ostalog, predviđena mogućnost izravnog komuniciranja među tijelima dviju država. Tako, primjerice, sudovi u kaznenim postupcima neće više morati čekati izvode iz kaznenih evidencija iz druge države i zbog toga odugovlačiti postupak već će te izvode moći izravno pribaviti od mjerodavnog tijela druge države. Ugovorom o izmjenama i dopunama Ugovora o izvršenju sudskih odluka u kaznenim



stvarima omogućuje se izvršenje kazne zatvora za osobe koje nakon osude u jednoj državi prebjegnu u drugu državu. Riječ je o preko stotinu bjegunaca koji su na ovaj način pokušali izbjeći izdržavanje zatvorske kazne. Izmjenama Ugovora ukida se načelo „dobrovoljnosti“ kod izvršenja kaznenih sankcija jer je do sada bilo definirano da osuđene osobe za izdržavanje kazne

u drugoj državi moraju dati svoju suglasnost.

Izražavajući zadovoljstvo potpisivanjem ugovora, ministar Čolak je ocijenio da će dokumenti doprinijeti poboljšanju suradnje pravosudnih tijela dviju država i imati pozitivan utjecaj na ukupne međusobne odnose. -Posebno je bitno što više neće biti mogućnosti izbjegavanja kazne jer više nije potrebna suglasnost osuđenika za izdržavanje kazne u drugoj državi, rekao je Čolak nakon potpisivanja ugovora i naglasio da će današnji ugovori značajno doprinijeti stabilizaciji prilika u regiji. -Suradnja zemalja u regiji od ključnog je značaja za uspješnu borbu protiv organiziranog kriminala, koji je umrežen i djeluje globalno, pa je veoma bitno da institucije gonjenja dobro surađuju u svim državama, istaknula je ministrica Snežana Malović, te naglasila da Srbija želi dobre odnose s BiH jer, pored ostalog, obje zemlje imaju i mnogo zajedničkih ekonomskih tema, a žele i članstvo u Europskoj uniji.

Сарајево: Међународни форум “Јавно приватно партнерство”

Под покровитељством Министарства спољне трговине и економских односа БиХ и Министарства финансија и трезора БиХ, 9. марта је у Сарајеву је одржан Међународни форум “Јавно приватно партнерство”

Обраћајући се учесницима, министар спољне трговине и економских односа БиХ Младен Зиројевић је изразио очекивање да ће се током одржавања Међународног економског форума чути све предности јавно приватног партнерства као једног од начина привлачења страних директних инвестиција. -Не смијемо наравно заборавити да јавно приватно партнерство треба бити и начин ангажовања капитала домаћих инвеститора. Јавно приватно



партнерство као уговорни однос јавног и приватног партнера у циљу бољег задовољења јавних потреба и јавних

интереса грађана је свакако механизам да се ове услуге пружају боље и ефикасније- истакао је Зиројевић.

Он је нагласио да је моменат одржавања Форума веома битан, јер је област јавно приватног партнерства у БиХ тек у почетку примјене, односно тек се законодавно уређује: РС је донијела закон у јуну прошле године, а у ФБиХ и Брчко Дистрикту је у току процедура доношења закона. Министар је истакао да Форум треба да буде мјесто на коме ће се потенцијалним инвеститорима презентовати области које се могу понудити као предмет уговора о јавно приватном партнерству, те да је веома је значајно поменути шта је прво у интересу у области економије и пружања јавних услуга.

Верона: Међународни инвестициони форум Италије и југоисточне Европе

Министар Зиројевић презентовао привредне потенцијале БиХ

Делегација Босне и Херцеговине предвођена министром спољне трговине и економских односа Младеном Зиројевићем, учествовала је на Међународном инвестиционом форуму Италије и југоисточне Европе који је одржан 11. и 12. фебруара у Верони. Током излагања министар Зиројевић је истакао да свјетска криза није заобилазила ни БиХ, што се огледа у паду страних директних инвестиција, пад уплата из иностранства, као и смањењу привредне производње и извоза.

-Ако се посматра шира регија, а не само БиХ, морам рећи да су развојне шансе свих земаља југоисточне Европе

у повезивању тржишта и привредника због сличности привреда, у укидању трговинских и техничких баријера, инвестирању у енергетски сектор, ово нарочито мислим када је БиХ у питању, у привлачењу страних инвестиција у све земље региона подједнако, у заједничкој политици и наступу према ЕУ интеграцијама земаља које још увијек нису чланице ЕУ, у добрим односима земаља међусобно- рекао је министар Зиројевић и изнио став да свака земља мора искористити своје компаративне предности, како географске, тако и ресурсне, и на основу тога мора повећавати властите производне капацитете.

Истичући да је у БиХ незадовољавајућа саобраћајна инфраструктура, он је позвао инвеститоре да улажу у ову област, прије свега у изградњу аутопутева, где је стопа поврата профита изузетно висока. -На овај начин би запослили значајан број радне снаге, успјели анагажовати локалне грађевинске компаније и значајно утицати на јачање домаћег сектора грађевинарства, који је највише осјетио економску и финансијску кризу. Овдје свакако треба размислити о концесионим опцијама и могућностима уласка у пројекте јавно-приватног партнерства- рекао је министар Зиројевић.

Ministar Vidović sa generalnim direktorom Fonda za međunarodni razvoj OPEC-a (OFID)

Ministar komunikacija i prometa u Vijeću ministara BiH mr.sc. Rudo Vidović u Sarajevu je 7. travnja razgovarao s direktorom Fonda za međunarodni razvoj OPEC-a (Organizacija zemalja izvoznica nafte) OFID-a, Sulejmanom J. Al-Herbishom. Sastanku je nazočio i direktor Federalne Direkcije za autoceste Erdal Trhulj.

Sudionici su razgovarali o nastavku suradnje između BiH i OFID-a i mogućnosti kreditiranja projekata prometne infrastrukture u Bosni i Hercegovini.

Direktor Al-Herbish zanimao se za projekat „Obilaznica Sarajevo“ uzimajući u obzir da OFID već financira dio za izgradnju obilaznice Sarajeva, na Koridoru Vc.

Ministar Vidović i direktor Trhulj informirali su direktora Al-Herbish da će Federalna Direkcija cesta, kao implementator projekta, veoma brzo dostavi-



ti točnu dinamiku povlačenja sredstava kredita i zatražiti ih prema navedenoj dinamici. Ministar Vidović također je kazao da je Ministarstvo komunikacija i prometa, u veljači o.g., uputilo zvaničan prijedlog za sudjelovanje u financiranju (putem kreditnog zaduženja s OFID-om) izgradnje autoceste na Koridoru Vc, dionice Kakanj

- Gračanica, poddionica Klopče - Perin Han i da se očekuje brzi odgovor OFID-a. „Ova dionica predstavlja funkcionalnu prometnu cjelinu, posjeduje visok prioritet u izgradnji i isplativost izgradnje odnosno vlastitu ekonomsku stopu povrata“, naveo je Vidović. Ministar je naveo da je Bosna i Hercegovina trenutačno i u razgovorima glede mogućnosti financiranja južne obilaznice Mostara, projekta procijenjenog na 30 milijuna eura. Financijska sredstva zatražit će se od Europske investicijske banke i OPEC-a. Na kraju sastanka sudionici su dogovorili nastavak razgovora po navedenim projektima i njihovom mogućem financiranju.

Završen projekt Obilježavanje plovnog puta rijeke Save

Ministarstvo komunikacija i prometa BiH uradilo je projekt Obilježavanje plovnog puta rijeke Save, koji su sporazumno financirali Ministarstvo komunikacija i prometa BiH, Federalno ministarstvo prometa i komunikacija, Ministarstvo saobraćaja i veza Republike Srpske i Brčko Distrikt Bosne i Hercegovine. Projekt se odnosi na obnovu sustava obilježavanja plovnog puta rijeke Save.

Početkom godine stupio je na snagu Ugovor o održavanju sustava obilježavanja plovnog puta rijeke Save, a financira se iz proračuna institucija BiH. Pripremljen je i s entitetskim ministarstvima usuglašen Program obnove i razvoja međunarodne plovidbe na transeuropskoj transportnoj osi „Rijeka Sava“ za razdoblje 2010. – 2015. godine. Regionalnu mrežu plovnih putova Zapadnog Balkana čine plovni putovi Save i Dunava, a u transportnoj politici EU-a za Bosnu i Hercegovinu su definirane samo dvije međunarodne transeuropske transportne ose, kao

Dokumentovani glavni projekti za autocestu na Koridoru Vc

U razdoblju siječanj – ožujak 2010. godine završena je dokumentacija glavnih projekata koja služi kao osnova za izdavanje potrebnih suglasnosti, dozvola te za eksproprijaciju za dionice autoceste za čije financiranje su potpisani kreditni sporazumi s Europskom bankom za obnovu i razvoj (EBRD), Europskom investicijskom bankom (EIB) i Kuvajtskim fondom za ekonomski razvoj. To su dionice: Svilaj – Vukosavlje, duljine 11 km; Drivuša – Klopče, duljine

3 km; Vlakovo – Tarčin, duljine 20 km i Zvirovići – Bijača, duljine 10 km. U Republici Srpskoj je u završnoj fazi ista dokumentacija za općine Doboj, Modriča i Vukosavlje.

Usuglašen je i Sporazum Vijeća ministara i Vlade Republike Hrvatske o izgradnji međudržavnog Mosta Svilaj, dok su u fazi usuglašavanja Sporazum o izgradnji južnih graničnih dionica autoceste na Koridoru Vc i Sporazum o izgradnji međudržavnog Mosta Gradiška.

najvažniji transportni putovi, a to su rijeka Sava i Koridor Vc. Bosna i Hercegovina, Republika Hrvatska, Republika Slovenija i Republika Srbija potpisale su Okvirni sporazum o slivu rijeke Save, u želji za uspostavljanjem plovidbe, održavanjem i označavanjem plovnih dijelova rijeke Save i njezinih pritoka, radi reguliranja međunarodnog režima plovidbe i potrebe unaprjeđenja održivog upravljanja vodama. Dužina rijeke Save je preko 950 km, a plovna je u dužini od 586 km. Dužina u BiH je 332,4 km i plovna je cijelom dužinom,

s dvije aktivne luke Bosanski Šamac i Brčko.

Osnovni cilj Programa je održivi razvoj plovnog sustava rijeke Save, temeljen na očekivanom ekonomskom i društvenom razvoju zemlje, zadovoljenju potreba za poboljšanom mobilnošću roba i ljudi, fizičkom pristupu tržištima, radnim mjestima i ostalim društvenim i ekonomskim zahtjevima u novim procesima globalizacije, deregulacije, slobodnih tržišta i integracija, regionalno i širom svijeta u oblasti prometa.

BiH od 1. siječnja uključena u TIR sustav

Bosna i Hercegovina je od 1. siječnja ove godine počela provoditi Carinsku konvenciju o cestovnom prometu roba pod TIR karnetom, kojom se regulira međunarodni cestovni prijevoz roba na osnovi TIR karneta i omogućuje olakšano kretanje roba pod carinskim nadzorom u međunarodnoj trgovini, uz istodobno osiguran međunarodni jamstveni lanac.

Zahtjev za dobivanje TIR karneta, koji služi i kao međunarodna carinska

isprava, podnosi se Vanjskotrgovinskoj komori BiH. Uključivanje u TIR sustav za prijevoznike ima brojne prednosti. Načela na kojima je zasnovan TIR sustav su, između ostalih, sigurna vozila ili kontejneri kojima se prevozi roba, međunarodno prihvaćen jamstveni lanac na osnovi međunarodno priznatog jamstva, međusobno prihvaćena carinska kontrola u tranzitnim zemljama i, što je možda najvažnije, to je sustav koji uspostavlja kontroliran pristup za prijevoznike, odnosno nositelje TIR

sustava. Dakle, prijevoznik ulazi u jedan sustav u kojem je dužan obavljati sve aktivnosti koje su sustavom predviđene.

Povlastice uključivanja u TIR sustav su i minimalna ometanja i stajanja robe na međunarodnim granicama. Kašnjenje i troškovi transporta su smanjeni na minimum, dokumenti su pojednostavljeni i standardizirani te nema potrebe da se plaća depozit, odnosno jamstvo na granicama, što su bh. prijevoznici ranije radili.

Publikacija o Programu oporavka i razvoja općine Srebrenica



Ministar za ljudska prava i izbjeglice dr. Safet Halilović prezentirao je 4. marta publikaciju “Realizacija Programa oporavka i razvoja općine Srebrenica”.

Za održivi povratak, razvoj i obnovu u općini Srebrenica iz državnog budžeta osigurano je deset miliona KM. Publikacija sadrži sve što je urađeno, svaki objekat, kilometar puta, mehanizaciju, stipendije – rekao je ministar Halilović, ističući da je izradom ove publikacije Ministarstvo za ljudska prava i izbjeglice željelo transparentno pokazati na koji način se troši novac budžetskih korisnika namijenjen za povratak. Prema Op-

erativnom planu, raspoređenim sredstvima obuhvaćeno je 20 projekata iz oblasti visokogradnje i niskogradnje. Sanirano je 19 objekata, rekonstruirano pet putnih komunikacija, vodovodna mreža, urađena ulična rasvjeta na nekoliko lokaliteta, nabavljeni su oprema i vozila koja će koristiti sveukupnom razvoju općine Srebrenica. U okviru realizacije programa malih i srednjih preduzeća pružena je pomoć za 38 privrednih subjekata, zaposleno je ili će biti zaposleno ukupno 113 lica (povratnika i domicilnog stanovništva) na neodređeno vrijeme. Kroz program razvoja poljoprivrede ukupno je pomognuto 110 korisnika

Kroz program obrazovanja ukupno je osigurano i realizirano 5.100 mjesečnih stipendija za učenike osnovnih i srednjih škola i studente, 5 ugovora za postdiplomske studije i 3 ugovora za doktorske disertacije. Ukupno je angažirano 19 pripravnika u više preduzeća u općini Srebrenica. Kroz program pomoći za programe grupa s posebnim potrebama pružena je finansijska pomoć za ukupno 54 fizička i 6 pravnih lica/udruženja itd. Od aktivnosti predviđenih ovim planom do sada nisu realizirana dva projekta, i to sanacija zgrade u Skelanima (višenamjenski objekat) i stambeno zbrinjavanje kadrova.

Usvojena revidirana Strategija za provedbu Aneksa 7 Dejtonskog sporazuma

Na prijedlog ministra za ljudska prava i izbjeglice BiH Safeta Halilovića, Vijeće ministara BiH je 13. januara utvrdilo Prijedlog dopunjene revidirane strategije za provedbu Aneksa 7 Dejtonskog sporazuma.

Nakon što prošle godine u Domu naroda Parlamentarne skupštine BiH nije usvojena Revidirana Strategija, Ministarstvo za ljudska prava i izbjeglice BiH provelo je aktivnosti na doradi ovoga dokumenta. Na temelju diskusija u Parlamentarnoj skupštini, Ministarstvo je identificiralo potrebu za konceptualnim rješenjima u dvije specifične oblasti: suštinsko okončanje procesa povratka do 2014. godine i pristup pripadajućim pravima izbjeglica i raseljenih osoba na naknadu štete u kontekstu Aneksa 7.

Uz ovaj dokument, Ministarstvo je sačinilo Okvirni program povratka 2009-2014. godina i Koncept za rješavanje pitanja nadoknade štete za imovinu koja ne može biti vraćena izbjeglicama i raseljenim osobama u smislu pripadajućih prava iz Aneksa 7 Dejtonskog sporazuma sa Akcionim planom. Dorađena, revidirana Strategija usaglašena je sa nadležnim entitetskim ministarstvima, Vladom Brčko Distrikta BiH i UNHCR i uz pripremljeni Akcioni plan predstavlja sveobuh-

Kompenzacija u smislu Aneksa VII

Kompenzaciju u smislu Aneksa VII treba promatrati kao adekvatnu kompenzaciju ili novčanu naknadu za izgubljene stambene jedinice – domove raseljenih osoba i izbjeglica, a kao način rješavanja isključivo stambenog pitanja izbjeglica i raseljenih osoba, koje se iz objektivnih razloga ne mogu vratiti na prijeratne adrese prebivališta.

Pravo na odgovarajuću kompenzaciju prioritarno treba osigurati za rješavanje stambenih potreba specifičnih socijalnih kategorija, a to su traumatizirane osobe, teški invalidi, socijalno najranjivije kategorije zavisne od tuđe njege i pomoći, kao i osobe koje se zbog objektivnih okolnosti ne mogu vratiti na svoje adrese prebivališta (npr. promijenjen urbanistički plan, klizište na adresi povratka i sl.)

Nadležna državna, entitetska i kantonalna ministarstva i tijela će skupa sa nadležnim službama Brčko Distrikta, a putem općinskih službi

u BiH, u uskoj suradnji sa UNHCR-om, u roku od šest mjeseci od usvajanja revidirane državne strategije za provedbu Aneksa VII DMS, izvršiti neophodna istraživanja i napraviti pregled stvarnog stanja po ovom pitanju, što će biti temelj za izradu relevantnih zakonskih i podzakonskih propisa iz ove oblasti; Rješavanje ovog pitanja u BiH ne može ni na koji način imati negativan utjecaj na proces povratka izbjeglica i raseljenih osoba, a u tom pravcu se treba predvidjeti da sredstva za rješavanje pitanja povratka i kompenzacije budu u proračunima posebno planirana i iskazana“.

Dakle, u kontekstu Aneksa VII, kompenzacija ne predstavlja pokušaj ostvarivanja sveukupne naknade za sve gubitke koje su ljudi pretrpjeli u ratu, nego samo za prioritarnu kompenzaciju za nemogućnost ostvarivanja pristupa pravu na dom, što je posebno naglašeno i u stavu OHR-a.

vatan operativni okvir, čija provedba će rezultirati unapređenjem pristupa pravima iz Aneksa 7 na dobrobit svih

izbjeglica, raseljenih osoba i povratnika koji još uvijek trebaju trajna i održiva rješenja.

Споразум о сарадњи БиХ и Србије у образовању, култури и спорту

Министар цивилних послова БиХ Средоје Новић и амбасадор Србије у БиХ Грујица Спасовић потписали су 16. фебруара у Сарајеву Споразум о сарадњи двије земље у образовању, култури и спорту

Министар цивилних послова БиХ Средоје Новић рекао је да је споразум са Србијом потписан у три области које су изузетно значајне и које највише доприносе развоју односа ових земаља с циљем успостављања непосредне сарадње образовних институција, размјене стручњака, наставника, стажиста, постдипломаца и студената.

На основу принципа реципроцитета, треба давати стипендије студентима, постдипломцима и другима, те размјењивати професоре



високошколских установа и сарађивати кадајеријечеоњеговауателенатаидругим видовима сарадње у образовању-, рекао је Новић. Потписивањем споразума успостављена је непосредна сарадња

између организација и институција у области културе и умјетности, односно умјетничких удружења, фондација, те учешћа на фестивалима, такмичењима и другим манифестацијама.

Додијељена “Државна награда за спорт”



Ивица Осим, Жана Новаковић и Лариса Церић добитници су Државне награде за спорт, највишег признање које Босна и Херцеговина додјељује за изузетан допринос развоју спорта и афирмацији БиХ.

На јавни конкурс за додјелу награде

за спортисту 2009. године пријавило се 26 кандидата. Прва Државна награда за спорт припала је Ивици Осиму, успјешном фудбалеру и тренеру. “Волио бих да могу подијелити ову награду са свим великанима нашег спорта којих више нема”, рекао је

Ивица Осим. Друго мјесто припало је цудисткињи Лариси Церић, која је за кратко вријеме направила значајне резултате на међународној сцени, а најзначајније је прво мјесто на Свјетском првенству за јуниорке у Паризу. Трећу награду освојила је Жана Новаковић, дугогодишња државна првакиња у дисциплинама слалом и велеслалом. Босну и Херцеговину је представљала на Олимпијским играма у Ванкуверу. Министар цивилних послова БиХ Средоје Новић рекао је да је врло битно да ће у овој години у БиХ по први пут бити извршена категоризација заслужних спортиста и спортиста интернационалних разреда. Спортисти који буду обухваћени категоризацијом оствариће право на мјесечну накнаду. -Наш заједнички циљ треба да буде пружање подршке талентима и стварање потребних услова за остваривање врхунских резултата. Заједничким ангажманом свих институција задужених за спорт можемо очекивати остваривање постављених циљева и врхунских резултата- додао је министар Новић и подсетио на обавезу спортских савеза да свој рад ускладе са новим Законом о спорту, како због нерегистровања савеза, не би трпили спортисти.

Reforma javne uprave

Novi izazov - sektorske reforme

Priprema novog akcionog plana reforme javne uprave zahtijeva angažman svih institucija obuhvaćenih poglavljima acquis-a i stvaranje upravnih kapaciteta, koji će biti spremni da preuzmu i provode desetine hiljada stranica pravne stečevine Unije

-Bosna i Hercegovina mora imati institucije koje efektivno funkcioniraju i koje državi omogućuju da prihvata zakone, da ih primjenjuje i progura pravila Europske unije-, izjavio je nedavno Štefan Fule, europski komesar za proširenje. Fule je, zapravo, samo ponovio jedan od temeljnih uslova za pristupanje Uniji, koji, prije ili kasnije, sačeka sve zemlje, potencijalne



članice, na putu do Unije. BiH je na usklađivanju svog administrativnog kapaciteta sa europskim standardima u okviru reforme javne uprave (PAR) počela raditi prije nekoliko godina. No, ove godine, Ured koordinatora za reformu javne uprave (PARCO) najavljuje početak izrade drugog akcionog plana za sektorske reforme. Reforma bosanskohercegovačke uprave zasniva se na Strategiji reforme javne uprave, koju su 2006. usvojile vlade BiH, Fed-

eracije BiH, Republike Srpske i Brčko distrikta, nudeći tim dokumentom viziju stvaranja «učinkovitije, djelotvornije i odgovornije uprave, koja će pružiti bolje usluge građanima, poslovati na osnovu transparentnih i otvorenih procedura, uz ispunjavanje svih uslova postavljenih europskim integracijama». Strategija je predvidjela dvoslojnu reformu: najprije horizontalno jačanje kapaciteta u šest oblasti (javne finansije, izrada politika i koordinacijski kapaciteti, upravni postupak, institucionalna komunikacija, upravljanje ljudskim potencijalima i informacione tehnologije), a potom sektorske reforme, koje sektore trebaju pripremiti za buduće europske obaveze.

Номинација стећака за листу свјетске културне баштине



Представници институција надлежних за културу из БиХ, Србије, Црне Горе и Хрватске договорили су се 29. марта 2010. године у Сарајеву да до септембра стећици буду пријављени на тантативну листу свјетске баштине УНЕСЦО-а.

Договорено је да наредни састанак административног тијела за припрему и презентацију заједничког пројекта израде номинационог документа "Номинација стећака - средњовјековних надгробних споменика - за упис на Листу

свјетске културне баштине УНЕСЦО-а", буде одржан 12. и 13. маја у Црној Гори након чега ће бити познат прецизан број некропола, њихов распоред и утврђени критерији за стављање на тантативну листу, а касније и кандидирање на саму Листу свјетске баштине.

Члан Комисије за очување националних споменика БиХ Дубравко Ловреновић навео је да је до сада регистровано око 69 000 стећака, од којих се око 59 000 налази у БиХ, а остали у Србији, Хрватској и Црној Гори.

Održan Drugi privremeni pododbor za poljoprivredu i ribarstvo

Predstavници Evropske komisije i institucija Bosne i Hercegovine tokom februara susreli su se u okviru Drugog privremenog pododбора za poljoprivredu i ribarstvo, koji je održan u Sarajevu, kako bi raspravili nivo približavanja zemlje u oblastima poljoprivrede i ribarstva. Analiziran je i razvoj u oblasti bilateralne trgovine.

Konstatovano je da napredak Bosne i Hercegovine u procesu evropskih integracija zavisi od ispunjavanja zahtjeva iz Sporazuma o stabilizaciji i pridruživanju i Evropskog partnerstva s EU, između ostalog i u ovim oblastima, koje su naročito važne za privredu zemlje.

Evropskoj komisiji prosljeđen paket idejnih projekata za IPA-u 2010.

Direkcija za evropske integracije je 7. januara uputila paket idejnih projekata IPA 2010. komponenta Delegaciji Evropske unije. Paket se sastoji od 17 idejnih projekata, koje su izradili voditelji projekata uz podršku Direkcije za evropske integracije i Delegacije Evropske unije, a uz konsultacije s nižim nivoima vlasti.

Ukupan iznos programiranih projekata za 2010. godinu iznosi 100,7 miliona eura, s tim da alokacija za višekorisničke programe iznosi 2,4 miliona eura.

U IPA-u 2010. odobreni su infrastrukturni projekti, kao mjera ublažavanja posljedica ekonomske krize. Takvi projekti finansiraju se dijelom iz IPA-e 2010. u ukupnom iznosu od 51,6 miliona eura, a

dijelom kreditima međunarodnih finansijskih institucija. Za paket projekata IPA 2010. saglasnost su dali svi članovi Koordinacionog odbora za IPA-u. Nakon internih konsultacija unutar Delegacije Evropske unije paket je prosljeđen Evropskoj komisiji na daljnje konsultacije, te se očekuje usvajanje paketa na IPA komitetu u junu 2010. godine.

Uspostavljen novi instrument pomoći za zemlje zapadnog Balkana

Evropska komisija je uspostavila novi instrument pomoći za zemlje zapadnog Balkana pod nazivom Investicioni okvir za zapadni Balkan (WBIF), koji ima za cilj zamijeniti raniji instrument pod nazivom IPF - Podrška infrastrukturnim projektima. Osim što obuhvata sve komponente IPF-a, WBIF čini nešto širi i bolje uređeni okvir, te je osnovna razlika u odnosu na IPF u izvorima iz ko-

jih dolaze sredstva i aktivnostima koje se mogu finansirati. Navedeni instrument je zasnovan na saradnji Evropske komisije i međunarodnih finansijskih institucija, te se sastoji od podrške za dodjelu grantova (Joint grant Facility) i podrške za dodjelu kredita (Joint Lending Facility).

Upravni odbor WBIF-a je objavio novi poziv za predaju projekata koji zadovoljavaju uslove za finansi-

ranje iz ovog instrumenta, te je s tim u vezi DEI organizirao proces prikupljanja projektnih ideja od strane nadležnih institucija. Projektne ideje su prosljeđene grupi finansijera projekata koji će ih analizirati i na osnovu toga izvršiti odabir projekata koji će biti upućeni na usvajanje Upravnom odboru WBIF-a. Upravni odbor bi trebao zasjedati u junu 2010. godine.

INFO



Generalno tajništvo / Генерални секретаријат
Vijeća ministara Bosne i Hercegovine / Савјета министара Босне и Херцеговине

BILTEN broj 2 uređuje:
Služba za informiranje/informisanje u saradnji sa glasnogovornicima ministarstava

Trg Bosne i Hercegovine 1; 71000 Sarajevo
Tel: 033 282665; 033 282666 i fax 033 282671

Internet stranica: www.vijeceministara.gov.ba i www.savjetministara.gov.ba

Web stranice ministarstava Bosne i Hercegovine

Ministarstvo vanjskih poslova Bosne i Hercegovine:	http://www.mfa.gov.ba
Ministarstvo finansija i trezora Bosne i Hercegovine:	http://www.trezorbih.gov.ba
Ministarstvo sigurnosti Bosne i Hercegovine:	http://www.msb.gov.ba
Ministarstvo odbrane Bosne i Hercegovine:	http://www.mod.gov.ba
Ministarstvo pravde Bosne i Hercegovine:	http://www.mpr.gov.ba
Ministarstvo vanjske trgovine i ekonomskih odnosa Bosne i Hercegovine:	http://www.mvteo.gov.ba
Ministarstvo komunikacija i prometa Bosne i Hercegovine:	http://www.mkt.gov.ba
Ministarstvo za ljudska prava i izbjeglice Bosne i Hercegovine:	http://www.mhrr.gov.ba
Ministarstvo civilnih poslova Bosne i Hercegovine:	http://www.mcp.gov.ba

Info Vijeća ministara Bosne i Hercegovine/ Савјета министара Босне и Херцеговине

Štampa: Comy-Prof, Sarajevo

Tiraž: 500

april/travanj 2010.